

Na osnovu člana 14. Zakona o mladima Federacije Bosne i Hercegovine („Sl. novine FBiH“, br. 36/10) i člana 71. stav 2. tačka 1. Statuta Općine Vogošća (“Službene novine Kantona Sarajevo”, broj: 27/14 - Prečišćeni tekst, 14/15 i 9/20), Općinski načelnik donosi:

PRAVILNIK

O KRITERIJIMA, NAČINU I POSTUPKU DODJELE SREDSTAVA ZA SUFINANSIRANJE OMLADINSKIH START-UP BIZNISA NA PODRUČJU OPĆINE VOGOŠĆA

Član 1.

Ovom odlukom utvrđuju se kriteriji, način i postupak dodjele sredstava iz Budžeta Općine Vogošća namijenjenih za sufinansiranje omladinskih start-up biznisa za 2020. godinu.

Član 2.

Prijedlog za raspodjelu sredstava za finansiranje pokretanja omladinskih start-up biznisa utvrđuje komisija za ocjenjivanje.

Član 3.

Sredstva se dodjeljuju na temelju javnog poziva koji se raspisuje jednom godišnje.

Član 4.

Javni poziv objavljuje se na službenoj web-stranici Općine Vogošća, na oglasnoj ploči Općine Vogošća. Javni poziv traje 20 dana od dana objavljivanja na web-stranici Općine Vogošća.

Član 5.

Sredstva za finansiranje pokretanja omladinskih start-up biznisa dodjeljuju se mladima (punoljetnom fizičkom licu starosti do 35 godina, s prebivalištem na području Općine Vogošća i koji u trenutku objave poziva nemaju registriranu djelatnost, odnosno, koji su nezaposleni. .

Član 6.

Prijava na Javni poziv podnosi se komisiji za ocjenjivanje, i sastoji se od ispunjenog obrasca za poslovni plan, koji se objavljuje na web-stranici Općine Vogošća istovremeno s javnim pozivom. Prijave se šalju na adresu: Općina Vogošća, Služba za privredu, integrisani lokalni razvoj i društvene djelatnosti, Ul. Jošanička broj 80, 71320 Vogošća, sa naznakom “Prijava na javni poziv za sufinansiranje projektnih ideja omladinskog start-up biznisa Općine Vogošća za 2020. Godinu, - NE OTVARATI”, ili se dostavljaju lično, na Protokol u šalter sali Općine, u zapečaćenoj koverti koju komisija za ocjenjivanje otvara na prvoj sjednici.

Član 7.

Nepotpune i neblagovremene prijave neće se uzeti u razmatranje.

Član 8.

Obrazac za prijavu sadrži sljedeće:

- opće informacije o podnosiocu prijave
- obrazac biznis plana

- vrijednost ulaganja

- ekonomsko-finansijska projekcija
- izjava o saglasnosti

- izjava

Član 9.

Komisija ocjenjuje predložene start-up biznise na osnovu sljedećih kriterija:

- održivost biznisa
- jasno definirani proizvodi i usluge
- jasno definiran plan djelovanja
- identificirani rizici
- jasni pokazatelji prodaje usluge
- iznos sredstava za realizaciju oslovne ideje
- iznos vlastitih ulaganja
- mogućnost dodatnog zapošljavanja
- inovativnost poslovne ideje

Član 10.

Komisija donosi odluku o finansiranju projekata na osnovu kriterija navedenih u ovom Pravilniku i sačinjava rang listu kandidata. Komisija je dužna da u roku od 15 dana od dana isteka javnog oglasa utvrdi prijedlog raspodjele sredstava i dostavi ga općinskom načelniku.

Član 11.

Odluka o raspodjeli sredstava biće objavljena na oglasnoj ploči Općine Vogošća, I na web stranici Općine Vogošća.

Član 12.

Sastavni dio ovog Pravilnika je obrazac "Projekat - Biznis plan".

Član 13.

Pravilnik stupa na snagu danom donošenja.

Broj: 03-14-1411/20
Vogošća, 11.09.2020. godine



OPĆINSKI NAČELNIK

Edin Smajić
Edin Smajić